

NIKUTA Pot Püree

Mir fieren Fasteloovend, su wie et uns jefällt,
denn der kölsche Fasteloovend es bekannt en aller Welt.
Ob en USA, ob en Kanada, ob en Rio oder Rom,
denn der kölsche Fasteloovend es bekannt wie der Kölner Dom.

Mir loossen uns net lompe, un wenn mer uns jett pompe,
et es doch ganz ejal wie et kütt. Ävver Kniesköpp, ävver Kniesköpp,
ävver Kniesköpp senn mer net.
Mir loossen uns net lompe, un wenn mer uns jett pompe,
et es doch ganz ejal wie et kütt. Ävver Kniesköpp, ävver Kniesköpp,
ävver Kniesköpp senn mer net.

Et schönste Märche, m'r hört et verzälle,
es doch d'r Ruusemondachszoche bei uns in Kölle.
Fründe von noh un fään komme jään he hin,
um sech dat Fastelovendsmärche anzesinn.
Fründe von noh un fään komme jään he hin,
um sech dat Fastelovendsmärche anzesinn.

E paar Jrosche für Ihs, e paar Jrosche für't Schöckelpääd,
dat es für die kleent Pänz de Himmel op de Ääd.
E paar Jrosche für Ihs, e paar Jrosche für't Schöckelpääd,
dat es jätt watt Kinderhätzze fruh un jlöcklich mäht.

Wenn die Engelscher ens Fastelovend fiere,
denn se sech wie mir em Himmel amüsiere.
Sie singe stolz demm Ostermann sing kölsche Tön,
un sellefs d'r Herrjott säät sich: Nä, wat es dat schön.
un sellefs d'r Herrjott säät sich: Nä, wat es dat schön.

Weeste watt, mir fahren met d'r Strooßebahn no Huss.
Dat Auto, dat blief stonn, mir welle noch jett jonn.
He es et schön, mir bliefe noch jett he,
denn die eeschte Bahn, die fährt eesch morje Fröh.
Weeste watt, mir fahren met d'r Strooßebahn no Huss.
Dat Auto, dat blief stonn, mir welle noch jett jonn.
He es et schön, mir bliefe noch jett he,
denn die eeschte Bahn, die fährt eesch morje Fröh.

Janz Kölle dröömp vom Fasteleer, eemohl em Jahr.
Un jeder Jeck dröhmp anders, eemohl im Jahr.
Janz Kölle steht dann op demm Kopp, eemohl em Jahr.
Un dann widd op de Tromm jeklopp, eemohl im Jahr.
Janz Kölle dröömp vom Fasteleer, eemohl em Jahr.
Un jeder Jeck dröhmp anders, eemohl im Jahr.
Janz Kölle steht dann op demm Kopp, eemohl em Jahr.
Un dann widd op de Tromm jeklopp, eemohl im Jahr.